



SIARAN MEDIA

JABATAN ALAM SEKITAR NEGERI SARAWAK

MAJLIS PERASMIAN PROGRAM JELAJAH RAKAN ALAM SEKITAR DI BAWAH PROGRAM KOMUNITI PENCEGAHAN & PEMANTAUAN KEBAKARAN TANAH GAMBUT SEMPENA SAMBUTAN HARI ALAM SEKITAR SEDUNIA TAHUN 2022 PERINGKAT NEGERI SARAWAK

26 JUN 2022 (AHAD)

26 Jun 2022, Kapit: Majlis Perasmian Program Jelajah Rakan Alam Sekitar Di Bawah Program Komuniti Pencegahan & Pemantauan Kebakaran Tanah Gambut Sempena Sambutan Hari Alam Sekitar Sedunia 2022 Peringkat Negeri Sarawak anjuran Jabatan Alam Sekitar Negeri Sarawak telah disempurnakan oleh Yang Berusaha Rolyn Anak Terrance Janting mewakili Residen Bahagian Kapit pada hari ini di Rumah Undi, Nanga Bena Sut, Kapit. Majlis ini turut dihadiri wakil/ketua jabatan dari jabatan/agensi/kerajaan persekutuan dan negeri, serta komuniti setempat.

Sambutan Hari Alam Sekitar Sedunia (WED) 2022 yang disambut pada 5 Jun setiap tahun bertemakan "*Only One Earth*" menyeru tindakan proaktif dan kolektif secara holistik semua pihak untuk kelestarian bumi ini. Tindakan kolektif ini adalah transformasi alam sekitar yang diperlukan untuk pembangunan secara mapan bagi kesejahteraan seluruh penduduk bumi. Malaysia meraikan WED bagi mempamerkan komitmen global setiap tahun sebagai simbolik kepada komitmen dan tanggungjawab negara dalam kelestarian alam sekitar.

Majlis Sambutan Hari Alam Sekitar Sedunia pada hari ini melibatkan perasmian Program Jelajah Rakan Alam Sekitar bagi meningkatkan penglibatan masyarakat dalam usaha penjagaan alam sekitar di Negeri Sarawak. Selain itu, program ini bertujuan memberi pendedahan kepada komuniti berkaitan larangan pembakaran terbuka serta pelaksanaan SOP dan fasiliti tanah gambut dan pemantauan kebakaran di kawasan tanah gambut, dan kawasan lain yang berisiko terbakar semasa musim panas dan kering.

Turut diadakan pameran dan ceramah kesedaran alam sekitar dan keselamatan melibatkan penceramah dari Jabatan Alam Sekitar Negeri Sarawak, Lembaga Sumber Asli dan Alam Sekitar Negeri Sarawak, Majlis Daerah Kapit, Jabatan Bomba dan Penyelamat Kapit dan Ibu Pejabat Polis Daerah Kapit.

TAMAT